

Broj:04-05-914-34/13
Mostar, 14.04.2015. godine

Na osnovu člana 37. i člana 51. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 20. stav (1), člana 23. stav (1) i člana 24. stav (3) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), kao i člana 28. stav (2) i člana 29. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), te člana 65., člana 70. stav (2), člana 71. stav (2) i člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14) i člana 23. Opštih uslova za isporuku električne energije („Službene novine Federacije BiH“ broj 35/08, 81/08, 32/10, 37/10 i 57/12), kao i člana 24. i člana 97. Opštih uslova za isporuku električne energije („Službene novine Federacije BiH“ broj 89/14), postupajući po žalbi na Elektroenergetsku saglasnost broj: 26198/2013 od 05.07.2013. godine izdatoj od Javnog preduzeća Elektroprivreda Bosne i Hercegovine d.d. – Sarajevo, Podružnica „Elektrodistribucija“ Bihać, koja je dostavljena FERK-u 29.07.2013. godine pod brojem 04-05-914/13 preko Javnog preduzeća Elektroprivreda Bosne i Hercegovine d.d. – Sarajevo, Podružnica „Elektrodistribucija“ Bihać, a koja je kod istog primljena 18.07.2013. godine, podnosioca žalbe TEMPIC-F&A d.o.o. Ključ, Branilaca BiH b.b., Ključ, Regulatorna komisija za energiju u Federaciji Bosne i Hercegovine – FERK je, na VI redovnoj sjednici održanoj u Mostaru dana 14.04.2015. godine, donijela

RJEŠENJE

1. Poništava se Elektroenergetska saglasnost broj: 26198/2013 od 05.07.2013. godine, koju je izdalo Javno preduzeće Elektroprivreda Bosne i Hercegovine d.d. – Sarajevo, Podružnica „Elektrodistribucija“ Bihać, u dijelovima, kojima se utvrđuje:
 - Instalirana snaga trošila u objektu i planirana godišnja potrošnja električne energije i stvar se rješava:
„Instalirana snaga trošila u objektu: 200 (kW)
Planirana godišnja potrošnja električne energije: 350.000 (kWh)“.
 - Odobrena priključna snaga i stvar se rješava:
„Odobrena priključna snaga 100 (kW)“.
 - Vrsta priključka i tehnički podaci o obračunskom mjernom mjestu i stvar se rješava:
„Podzemni kablovski priključak energetskim kablom odgovarajućeg presjeka. Formirati obračunsko mjerno mjesto u skladu sa važećim Pravilnikom o mjernom mjestu krajnjeg kupca Javnog preduzeća Elektroprivreda BiH d.d. -Sarajevo“.
 - Izvođenje zaštite od previsokog napona dodira i stvar se rješava:
„U skladu sa važećim Tehničkim propisima i BAS standardima, instalacija objekta mora biti izvedena u sistemu zaštite sa TNC/S, uz obaveznu upotrebu strujne diferencijalne zaštite“.
2. O troškovima postupka donijet će se poseban zaključak.
3. Ovo rješenje je konačno i stupa na snagu danom donošenja, te se dispozitiv ovog rješenja objavljuje na oglasnoj tabli i internetskoj stranici FERK-a.

PREDSJEDNICA FERK-a
Đulizara Hadžimustafić